

芒洛冢墓遺文四編卷二

上虞 羅 振玉 錄

唐

崔志墓誌

高廣各一尺六寸十
九行行十八字隸書

息州長史崔君墓誌銘

君諱志字遠清河武城人也自司天命氏表海承家崇基
与岱岳並高洪源共滄溟等濬父會仁齊黃門郎禮部尚
書使持節青州刺史弱冠釋褐奉請稍遷息州長史弘茲
五美匡汲六條豈期西光遽徙東流不息方騁高壻奄從
長夜春秋七十有四隋開皇廿年十月十五日薨於私第
夫人南陽趙氏繼室渤海刀氏言行兼備令姪有聞爰從
羔鴈之禮佐嬪君子之室偕老同穴生榮死哀第二子義

深上大將軍潞州都督府長史昌平縣開國男痛結寒泉
哀纏風樹載安宅兆用申罔極粵以貞觀元季歲次丁亥
二月甲寅朔廿九日壬午合葬於洛陽北邙山之陽清風
里白馬朱旒還同武昌之引背河面洛更等鎮南之墳嗚
呼哀哉乃爲銘曰

二正分司四履開國金榮播美玉璜表德落々詞峯恢々
風力冠軍孤秀激猷允塞薦生君子粲然岐嶷洛城出祖
邙山啓域朱旒輟引白楸掩飾悲風切響愁雲黯色蘭菊
凌芳松檟空植

段夫人張氏墓誌

高一尺九寸五分廣二尺二
十六行行二十六字正書

夫人諱女羨南陽白水人也其先少昊之苗裔漢相留侯
之後齊□州刺史賓之女也夫人稟氣淳和感靈載誕幼

閑內則少習女師著範媯姚表儀江漢欲歸工正兆出鳳
皇之辭將逝魯侯手見夫人之字况樛木下逮於葛藟黃
鳥上集於喬枝百兩既迎言歸段氏至於探蹟揆辯鄧甯
訝其聰明文章卓□班女慙其詞賦聽曉雞以試君子執
夜炬而就陽都衷求令姿祔奉靈廟敬同梁室賓若異妻
衆女仰蚣蝑之不忘淋媛媿鳴鳩之均育既屏環瑱方績
締紵見兒雖溫聽言必厲問君之免豈止司佻之妻□夫
直言何獨州犁之母□德以被物嚴約而塞違堂上有琴
瑟之聲寢中無嗟歎之響昇天□□偏宅喆人既掾舌哥
終休夜哭煢釐之地弊教諸孤並德表家邦聲傳閭閻由
兒斷織為子□魚故曾疊竭其色養菜子盡其至孝遂□
精心六度研志一乘禧舍不越於身香花莫離其□恒謂
逍遙法□遊豫道情豈期福善無徵奄從遷化以大唐貞

觀□年□次戊子夏四月景子朔一日景子遘疾終於重
光城私第春秋七十有九粵以其年冬十一月癸卯朔七
日巳酉合葬於雒陽縣清風鄉張方里芒山之陽子森仁
君搽師睦立義等或三年泣血或七日不食毀瘠之形殆
將滅性瞻慕義而感思望岵嶺而增悲山源為其改容風
雲因□變色哀白日之長兮痛黃泉之永匿敬□丹青以
申岡極其詞曰

金天表族炎漢稱勛山岳靈異方誕奇人懿氏感毓仲子
呈文共宜家室同處蘭芬其一既歲夜燭迺伺晨雞賓如輿
婦敬似鴻妻在宗□孝在偶思齊顯仁幽闥挺質閑閨其二
亦既孀居嘉聲日布中為令德周爰諮度教之清儉誨以
殷素曾母年衰萊親齒暮其三施金雕像散寶書經捐斯火
宅廡此危城未終千月遽虧百齡離烏西去逝水東□其四

柴容既毀夢命亦傷岵山倏陟慕草空望玄英日短黃扁
夜長壟風簫瑟松檟悽涼琪霜雲愁思輅馬悲哀銅棺瘞
質貝齒含瑰聞宋荒口森踈野臺何年何月尸化歸來其
譚伍墓誌

高一尺六寸廣一尺五寸八分十七行行十七字隸書

君諱伍字德深恆山柴干人自周錫土列蕃於譚枝葉既
繁源流不竭祖澈魏丞相世子府參軍父亮齊東平郡掾
世擅羽儀風流繼踵君體冰桂之資秉雲霞之操棄尋常
之汚瀆屏世上之塵紛演志箕山大隱朝市召大業之歲
爰屆洛陽日往月來因家於此方期申茲遠業錫此永丰
豈圖皇天無親善人斯逝粵呂貞觀三丰歲次己丑六月
庚午朔十六日乙酉卒於第春秋六十八即呂其月廿五
日甲午殯於邱山之陽千金里恐疎谷騰沸大海柴田玉

樹雖埋芳猷不泯迺爲銘曰
丹穴靈鳳崑山文王不待剪拂何繁彫琢偉哉夫子寔紹
鴻族文義生知睦親弥薦殯帷既啓祖奠方收奄虧朝露
忽移夜舟素車停駕白馬鳴輶九原留恨千載沈憂蹠蛇
螻蟻零落山丘式鐫貞石呂記芳猷

劉節墓誌

高一尺八寸一分廣一尺八寸二分十七行行二十字隸書

大唐故開府儀同三司劉君墓誌銘

君諱節字德操冀州下博人自帝德欽明唐堯居禪讓之
美蛇分於道漢皇啓興王之運橫根貫地聳擗捎雲花萼
蟬聯芬芳不已祖伽靳春郡守素履青頤器鎮雅俗父祭
徐州長史質擲玉潤響振金聲君胎教有成幼而岐嶷出
就外傳無俟三冬嗤方朔之萬言鄙戴逵之重席大唐御

運就加儀同志懷絕倍之心未憺鄧隲之選高尚其事獨
秘丘園恥居開外移從京邑怡神養性蘊德自居如綸之
辟未臻申酉之期奄及春秋卅有八以大唐貞觀五年六
月四日卒於家其年七月十五日葬於邛阜世易時移莫
知令德式鑄幽隧播此遺芳乃為銘曰
系緒陶唐分封漢皇昨茅錫社獻酎奉璋根萌遂遠花葉
芬芳餘慶斯在厥伯克昌家風鼎盛蔭望高清挺茲華實
擅此蘭馨懷文抱質桂馥松貞為世儀範美播英聲末路
終長世塗曷促循矩幾忽同風燭雲懷隴上鳥啼高木拈
人其委百身何贖

賈通墓誌

高廣各一尺八寸六分
十九行行二十字隸書

隨故越王府司兵掾軍事賈君墓誌銘 并序

君諱通字子照洛州洛陽人也回國受姓也爲冠族太傳
以才子撫奇炎漢擅其文雅太宰以元勳著績皇晉高其
聲望桂貞蘭馥簪纓繼軌祖謨周定州長史父寶隨本州
州都普履遺依仁譽光時充君川岳挺秀玉潤金箱淳孝
爲基薦信維始立宗儒行鈔粉畢陳良史佳詞緬素咸理
釋褐本州從事仁壽末補越王府司兵衆軍事代邱初開
維才是舉君以學優識贍爰授盛府既而天廡隨德鼎命
將移深達止足之方謝病高蹈遂怡神衡泌養素丘園置
酒絃琴賦詩展志豈謂輔善奚爽幽局遽闢以大唐貞觀
七季六月二日終于里舍春秋五十有八粵以其月十四
日葬于河南邙山禮也夫仁終智滅理育太期所惜挂折
芝亡芳徽易泯不刊景行共音誰紀銘曰
國氏流祥也薦其光晉宰漢傳異代同芳君資慶緒特秀

珪璋身蘊孝行門敷義方州閭稱美彈冠筮仕秉戎盛蕃
儀形斯俟問望允洽弼諧育紀季未中身養高丘里祐仁
空說厚夜俄沉愁琴綴響楚挽先吟風歸松思霧聚郊陰
如何穹壤翳此瓊琬

張明墓誌

高一尺八寸四分廣一尺八寸
五分十七行行十七字正書

唐故玄昭監張君墓誌銘

并序

君諱明字文朗武城人漢文成侯之後也神謀英略命世
挺生光乎先典豈資楊權祖無魏征虜將軍父伯隨平原
郡蔣陵縣令英斷雄略見重當時盛德在民風流逾遠君
稟質中和不扶自直清文道麗夢鳥慙其日新雅量汪汪
萬頃豈云攸擬含章待價義不苟榮蘊遘居常俟乎育道
至武漚六季任玄昭監清貞莅職夙夜在公動合朝儀光

乎仕伍適因休沐搆疾終于家春秋六十有四越以貞觀
七年七月廿四日葬於河南縣邛山之陽禮也子君弘
等率由孝友衷情傷慟痛風樹之不停悲陟屺之無見嗟
乎人之云亡平生盡矣何止春不相杵故亦悽感行路式
刊玄石異芳猷不朽云尔 猗歟文成炎漢之貞蟬聯冠
冕世濟其英玄昭矯矯克嗣厥聲掩同過隙蘭茝遽傾窮
泉永閔空播餘馨

□遠墓誌

高廣各一尺四寸六分
十六行行十六字正書

君諱遠字彥深汝南平輿人也昔四古孤芳列英覲於木
運三雄峙秀流雅舉於金行自是軒冕森羅徽猷標映高
山仰止世有人焉祖壽齊平州刺史父隨聞喜縣令六條
贊務百里宣風堂構不隳在斯而已君率由孝敬天資令

德循身蹈道不染風塵養素居閑詎迴榮利既而丹壺云
從報施相憊春秋七十以貞觀七季歲次癸巳十月乙巳
朔十九日癸亥邁疾卒於家以其季其月廿八日卜定於
洛陽千金里乃為銘曰 桂水浮天瓊山蔽日冠蓋相
望仁賢間出卓卓夫子溫溫秀質守道栖玄同帝榮祿與
善無象人生不留懔懔朝露悲涼夜舟素軫行儼丹旄飛
浮霜凝隴募日黯松丘城關忽遠長夜悠悠

第一子德操 第二子德矩

解深墓誌

高一尺六寸廣一尺六寸一分十九行行十九字正書

隨故徵士解君墓誌銘并序

君諱深字宣達河東人曰邑命氏世維冠族狐則才能標
譽見稱祁夏楊則皇華忠烈義動楚王自茲已降簪纓允

襲祖珣周廣陽郡太守六條有序四民展業父孫少懷雅
尚託心其穎君稟靈清劬器韻弘通孝挺人倫行甄物軌
屬思玄遠攄襟流略學存指適匪求章句遂迺聿遵前考
養素家園隨開皇初以賢良辟不就潛逸衡泌志道依仁
一丘獨得三迕怡靜既而祐善徒言歸魂厚夜以大唐貞
觀八季正月八日終于洛州里舍春秋八十粵以其月廿
一日葬于邙山禮也有子公逸州舉□土除將仕郎至性
淳篤天懷謹急抱風樹而興感對寒泉而哽絕式鑄盛德
傳微來褒銘曰

芳蘊蘭蕙貞茂筠松澄澄清景落落高峯兩龔齊轍四皓
追蹤默語奚尚賓實何從放曠蓬華偃曝泉林披帙翫古
置酒絃琴唯善可樂唯德是隣內情閑澹外物寧侵遽從
舟壑俄盡指薪階留帶草箱餘角巾霧露日積楸檟方榛

作者逝矣誰復知津 却梯邱陸前瞻洛川歌歎大土墳

廋斯原

孫隆墓誌

高二尺二寸九分廣二尺二寸七分
分二十二行行二十二字正書

隨故江都安德府司馬孫君墓誌銘

君諱隆字道泰平陵安德郡人矣孫蕃之庶稟也文異談
天武同君受信義不憊慟閑辭操冠蓋接葉歷代相承隨
大業十季四月十七日春秋七十有五遘疾終於家祖為
西平陵侯父晉陽宮監並縉紳絕國之庭高才注其妙指
故知在改時移傾覆俄尔死生異路豈其若哉幽格永終
無逢無見遂使希靈之子抱恨輕生咽鬱迴腸思顏慈父
東園遊興之所絕跡無蹤西閭延仕之堂頓離歌咲夫人
慕容王之女春秋六十有八以大業十二季七月十二日

殯殯在於室然朝惣英礫禮德備焉今河洛之器調雜盻
棄其延季者乎方知祇靈陟遠無見無聞溷不濁之心澄
不清之結奄貶泉壤哀哉痛哉反嘆達嗟驚魂斷骨尊遷
永日以畢極也大唐貞觀八年十一月己巳朔廿八日景
申合葬於洛州洛陽縣清風鄉芒山所於是廣旭長風陰
雲曠日白露朝結夕煙昏列舉目慟感天地迴車則義存
斯制蘭高美玉荆礫隨身珍藏墓壁香逐孤墳風飄錦色
綺合羅塵逮節操之斷志守千載考為塵乃為頌曰
儼儼仁事長辭在俗無復任歸絕離榮祿天生蒿土信不
虧盈名高徐孺識性豐城可愛可惜義同金石才喻三卿
功名絕跡隨楊歷運知滅紀龍咨嗟可念嘆滿心凶棄離
四馬獨奄墳中空歸粉壁今守長松明明賢仕照臨下土
無復還人長啼閭戶

羅君副墓誌

高二尺二寸四分廣二尺二寸六分二十三行行二十四字正書

大唐故左驍衛將軍上柱國安山縣侯羅君副墓誌銘并序
公諱君副字進成齊州厯城人也若夫曰生賜姓之基命
氏建邽之始並備諸典冊無俟詳焉曾祖和周中散大夫
冠軍將軍濟南太守祖皓齊亭山縣令並存恤鰥寡推心
厲物吏畏其威民懷其惠父曠本州主簿朝散大夫公幼
而驍勇善運籌策恥一夫之劍蚩三冬之勤賤枝葉之浮
緋存規矩之直行義旗肇建挺身降款授上開府尋為長
槍馬軍副總管竭力求行剪摧凶寇授上柱國又轉授
秦王府驃騎將軍又轉秦王府左一統軍左四府右車
騎將軍封安山縣子尋進封安山縣侯食邑七百戶又遷
太子左監門副率尋授左勳衛四府中郎將又轉右衛右

翊衛一府中郎將定賞廉惠譽高於段熲撫巡將士恩重
於戚旻以公志力昭果幹局沉濟誠表歲寒効宣禦侮授
壯武將軍守左驍衛將軍尋便即正昔王濟以才尚美茂
始蒞此官荀愷以智器明敏方臨斯職比之於公足為連
類方振英聲共金石而無朽溘如朝露隨蒲柳而先彫以
貞觀十一年七月八日遘疾終於洛陽春秋卅有二 皇
情軫悼乃 詔有司葬事隨由脩辦以其年八月廿一日
葬於洛州洛陽縣邙山之陽龜長並短陵賀谷遷勒景行
於玄石庶芳猷之永傳嗚呼哀哉乃為銘曰 又以八月
十九日 勅謚開國侯置公第

昇龍之族有熊之胤縱謀謀楚掌弔仕晉弈葉簪紱踵武
英俊禮義不虧忠孝斯侑爰誕奇秀果毅雄武功冠李程
譽牟申甫與善無微俄悲今古空羅容衛虛陳遣祖風雲